




Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-03254/25
Datum: 01. 07. 2025. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući



PREDMET: Odgovor na zastupničku inicijativu zastupnice Vedrane Vujović, dostavlja se;
VEZA: Vaš akt, broj: 01-04-31603-4/25 od 09.06.2025. godine

U skladu sa Vašim aktom broj i datum veze, zaprimljenim u Kantonalnoj upravi za inspekcijske poslove Kantona Sarajevo, dana 11.06.2025.godine, a koji se tiče zastupničke inicijative zastupnice Vedrane Vujović, koja glasi: "

Na osnovu člana 212. Poslovnika Skupštine Kantona Sarajevo upućujem zastupničku inicijativu za hitno postupanje po prijavama građana Mjesne zajednice Koševsko brdo na području Općine Centar, ulica Muhameda Hadžijahića broj 34. radi pojave zmija.

Već duži vremenski period građani ove mjesne zajednice traže uređenje površine Sušice koja je zapuštena. Osim toga, rezultat nebrige je pojava zmija koje su građani uočili sa pojavom toplijeg vremena.

Uvažavajući sve zakonom propisane procedure, upućujem inicijativu za izvršenje ukljanjanja zmija i svih drugih gmizavaca kao i obavljanje diveperizacije sa ciljem prevencije pojave zmija u naseljenom mjestu, kao i da se dostave informacije kada je ista urađena posljednji put na području Kantona Sarajevo.",

obavještavamo Vas da sanitarna inspekcija Kantonalne uprave za inspekcijske poslove Kantona Sarajevo, sukladno zakonskim i podzakonskim aktima koji uređuju ovu oblast nije nadležna za diveperizaciju.

Obzirom da Sušica, kao pritoka Miljacke, spada u zatvorene regulisane vodotoke, čija je zaštita, čišćenje i održavanje propisano Odlukom o korištenju, održavanju i čuvanju uređenih korita i obala vodotoka na području Grada Sarajeva ("Sl. novine Kantona Sarajevo", broj 2/07), a da je članom 17. navedene Odluke propisano da inspekcijski nadzor vrši gradski komunalni inspektor, to je Kantonalna uprava za inspekcijske poslove Kantona Sarajevo, shodno članu 65. Zakona o

upravnom postupku FBiH ("Sl. novine FBiH", br. 2/98, 48/99 i 61/22) zastupničku inicijativu dostavila na nadležno postupanje Gradskoj službi za inspekcijski nadzor Grada Sarajeva.

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

